

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ
Зajедничка комисија за надзор над радом
Обавјештајно-безбједносне агенције
Босне и Херцеговине



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM
Zajednička komisija za nadzor nad radom
Obavještajno-sigurnosne agencije
Bosne i Hercegovine
Zajedničko povjerenstvo za nadzor nad radom
Obavještajno-sigurnosne agencije
Bosne i Hercegovine

Broj: 03/2-50-1-8-6/24
Sarajevo, 30.1.2024.

5

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 30-01-2024

| Organizaciona jedinica | Klasifikacija | Redni broj | Broj priloga |
|------------------------|---------------|------------|--------------|
| 03/2-50-3- | | 259 | /24 |

KOLEGIJU DOMA NARODA


KOLEGIJU PREDSTAVNIČKOG DOMA

Poštovani,

Sukladno odredbama članka 45. (1) Poslovnika Doma naroda Parlamentarne skupštine Bosne i Hercegovine, odnosno članka 55.(1) Poslovnika Zastupničkog doma Parlamentarne skupštine Bosne i Hercegovine, dostavljamo vam **Plan rada Zajedničkog povjerenstva za nadzor nad radom OSABIH za 2024. godinu**, u svrhu izrade radnog plana iz članka 55. Poslovnika Doma naroda, odnosno iz članka 65. Poslovnika Zastupničkog doma.

Ujedno dostavljamo i **Izvešće o radu Povjerenstva tijekom 2023. godine**, sukladno članku 56. Poslovnika Zastupničkog doma, odnosno članku 46. Poslovnika Doma naroda.

S poštovanjem,



**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



**ДОМ НАРОДА
ПРЕДСТАВНИЧКИ ДОМ**

Зajедничка комисија за надзор над радом
Обавјештајно-безбједносне агенције
Босне и Херцеговине

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**DOM NARODA
PREDSTAVNIČKI DOM/ZASTUPNIČKI DOM**

Zajednička komisija za nadzor nad radom
Obavještajno-sigurnosne agencije
Bosne i Hercegovine
Zajedničko povjerenstvo za nadzor nad radom
Obavještajno-sigurnosne agencije
Bosne i Hercegovine

Broj: 03/2-50-14-6-1/24
Sarajevo, 20.12.2023.

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 30-01-2024

| Organizaciona jedinica | Klasifikacioni znak | Redni broj | Broj priloga |
|------------------------|---------------------|------------|--------------|
| | | | |

**IZVJEŠTAJ O RADU
ZAJEDNIČKE KOMISIJE
ZA NADZOR NAD RADOM OSABIH
ZA 2023. GODINU**

1

Sarajevo, decembar 2023.

SADRŽAJ:

| | <i>str.</i> |
|--|-------------|
| 1 Uvodne napomene | 3 |
| 2 Poglavlje I – Sjednice | |
| Odjeljak A Statistički podaci o sjednicama | 3 |
| Odjeljak B Zakonodavne aktivnosti | 4 |
| Odjeljak C Razmatranje izvještaja i dr. materijala | 5 |
| Odjeljak D Ostali materijali | 6 |
| 3 Poglavlje II – Ostale aktivnosti | |
| Odjeljak A Nadzorne aktivnosti | 6 |
| Odjeljak B Međunarodne aktivnosti | 7 |
| Odjeljak C Saradnja s domaćim institucijama i organima | 7 |
| Odjeljak D Saradnja s međunarodnim organizacijama u BiH | 7 |
| 4 Poglavlje III – Rezime | 8 |

1. UVODNE NAPOMENE

Nadležnosti Zajedničke komisije za nadzor nad radom Obavještajno-sigurnosne agencije Bosne i Hercegovine (u daljnjem tekstu: Komisija/ZK OSA), utvrđene su u odredbama Zakona o Obavještajno-sigurnosnoj agenciji BiH („Službeni glasnik BiH“, br. 12/04, 20/04, 56/06 i 12/09), Zakona o zaštiti tajnih podataka BiH („Službeni glasnik BiH“, br. 54/05 i 12/09), te poslovnica oba Doma Parlamentarne skupštine Bosne i Hercegovine.

Pored navedenih propisa, Komisija se rukovodi i vlastitim Poslovníkom i Pravilnikom, te relevantnim propisima koje donosi Državni sigurnosni organ. Komisija u svome radu također nastoji uvažiti i principe sadržane u Zajedničkoj vanjskoj i sigurnosnoj politici EU (CFSP), odnosno u njenom dijelu koji se konkretnije odnosi na područje rada Komisije, tj. Zajedničkoj odbrambenoj i sigurnosnoj politici (CSDP). Također se u obzir uzimaju i obaveze BiH u smislu NATO aspiracija Bosne i Hercegovine, tj. obaveze definirane kroz IPAP, MAP i Sigurnosni sporazum između BiH i NATO. Konačno, Komisija pri radu ima u vidu i obaveze koje proističu iz drugih međunarodnih sporazuma koje je Bosna i Hercegovina potpisala ili im pristupila (poput sigurnosnih sporazuma potpisanih između BiH i EU, BiH i OSCE, i sl).

Komisija je formirana 27.03.2023. izborom predsjedavajućeg i zamjenika predsjedavajućeg. Do zaključivanja izvještaja Komisija je održala 5 sjednica, na kojima je razmotrila sve zatečene materijale (od prošlog saziva), te nakon toga i sve novopristigle koji su dostavljeni i obrađeni u zakonskim rokovima.

2. POGLAVLJE I – SJEDNICE

Odjeljak A – Statistički podaci o sjednicama

U skladu s članom 52. stav (2) Poslovníka Predstavničkog doma Parlamentarne Skupštine BiH („Službeni glasnik BiH“, br.79/14, 81/15, 97/15, 78/19, 26/20 i 53/22), i članom 42. stav (2) Poslovníka Doma naroda Parlamentarne Skupštine BiH („Službeni glasnik BiH“, br.58/14, 88/15, 96/15 i 53/16), Parlamentarna Skupština BiH je na 3. sjednici Predstavničkog doma, održanoj 9. 3. 2023. godine i na 2. sjednici Doma naroda, održanoj 2. 3. 2023. godine, donijela Odluku o izboru članova Zajedničke komisije za nadzor nad radom Obavještajno-sigurnosne agencije Bosne i Hercegovine. Za članove ZK OSA izabrani su:

iz Predstavničkog doma:

1. Darko Babalj
2. Sabina Čudić
3. Milorad Kojić
4. Predrag Kožul
5. Šemsudin Mehmedović
6. Albin Muslić

iz Doma naroda:

1. Kemal Ademović
2. Ilija Cvitanović
3. Sredoje Nović
4. Marina Pendeš
5. Safet Softić
6. Nikola Špirić

Na konstituirajućoj sjednici održanoj 27.03.2023. za predsjedavajućeg Komisije izabran je Ilija Cvitanović, a za njegove zamjenike Albin Muslić (prvi zamjenik) i Sredoje Nović (drugi zamjenik). Tokom izvještajnog perioda, tj. tokom 2023. godine, Komisija je realizirala slijedeće aktivnosti:

| | |
|---------------------------------------|----|
| Broj održanih sjednica | 5 |
| Broj radnih sastanaka | 1 |
| Broj tačaka dnevnog reda | 45 |
| Učešće na seminarima i konferencijama | 2 |

Komisija je u izvještajnom periodu razmatrala:

| | |
|-------------------------|----|
| Prijedlozi zakona | 1 |
| Izveštaji i informacije | 30 |
| Odluke | 0 |
| Mišljenja | 2 |
| Usvojeni zaključci | 8 |
| Ostali akti | 10 |

Tokom izvještajnog perioda Komisija je u okviru svojih nadležnosti pratila rad različitih tijela i institucija izvršne vlasti (OSABiH, DSO, Ministarstvo sigurnosti BiH, Ministarstvo odbrane BiH, predsjedavajuća Vijeća ministara BiH, Vijeće ministara BiH, Ured za reviziju Institucija BiH, itd.).

4

Odjeljak B – Zakonodavne aktivnosti

Komisija je u izvještajnom periodu razmatrala izmjene i dopune sljedećih zakona:

1. Zakon o OSABiH
2. Zakon o zaštiti tajnih podataka BiH
3. Zakon o reviziji institucija BiH,
4. Zakon o javnim nabavkama,
5. Zakon o odbrani BiH,
6. Krivični zakon BiH, te
7. Zakon o finansiranju Institucija BiH.

Što se tiče **Zakona o zaštiti tajnih podataka BiH**, razgovarano je o potrebi da se njegovi određeni dijelovi izmijene, poput npr. potrebe da službenici u pravosudnim institucijama prolaze sigurnosne provjere (sudije i tužioci). Zasad nije došlo do konkretizacije ovog prijedloga. Što se tiče **Zakona o OSABiH** i **Zakona o reviziji institucija BiH**, već smo ranije ustanovili da su ova dva zakona međusobno proturječna, te da ih je potrebno doraditi

(otkloniti nejasnoće i proturječnosti). Radi se prije svega o ovlasti revizora da pristupi svim podacima, uvijek i svugdje, na što po Zakonu o reviziji u institucijama BiH imaju pravo, sa jedne strane; te sa druge strane, o potrebi OSABiH da određene podatke u određenom momentu ne ustupi ili prikrije, iz razloga zaštite tajnosti svojih operacija, na što po Zakonu o OSABiH imaju pravo. Nije došlo do konkretizacije rješenja za postojeći sukob nadležnosti.

Što se tiče **Zakona o odbrani BiH**, Komisiji je od strane predstavnika Ministarstva odbrane skrenuta pažnja na nedorečenosti i nedostatke u Zakonu o odbrani, koji blokiraju dalji rad Ministarstva na aktivnostima iz nadležnosti Komisije. Radi se o nezgrapnom prijevodu nacrtu zakona sa engleskog jezika u kojem su određeni termini prevedeni na način koji na službenim jezicima BiH ne znače ništa, ili predstavljaju nejasne oznake (npr. „vojno obavještavanje“ umjesto „vojno-obavještajni“ i sl.).

Što se tiče **Zakona o javnim nabavkama**, Komisija je upoznata sa problemima koji se javljaju zbog nemogućnosti da se u skladu sa postojećim zakonom organizuje i provede tzv. „sigurnosni tender“, odnosno da se provede i primijeni postupak tzv. „industrijske sigurnosne provjere“. Radi se o provjeri pravnih lica (preduzeća) prilikom javljanja na klasificirani tender, npr. za nabavku specijalne policijske opreme i slično. Sva potrebna zakonska određenja i definicije već postoje u Zakonu o zaštiti tajnih podataka, no Zakon o javnim nabavkama ne prepoznaje tu činjenicu. Najjednostavnije rješenje postojeće situacije bilo bi da se cijelo poglavlje o industrijskoj provjeri iz ZOZTP „premjesti“, odnosno ugradi u Zakon o javnim nabavkama.

Također, nakon što smo u više navrata razgovarali o problemu odavanja tajnih podataka medijima i drugim neovlaštenim osobama, ustanovili smo i da je iz sadašnjeg **Krivičnog zakona BiH** izbrisan član 225. koji je uređivao pitanje „Odavanje službene tajne“. Ovo je problem kojem će Komisija bez odlaganja posvetiti pažnju u narednoj godini, tako što će se raniji termin „službena tajna“ primjeriti sadašnjem terminu „tajni podatak“ i sadašnjoj klasifikaciji (u skladu sa čl.86. Zakona o zaštiti tajnih podataka), te uputiti prijedlog za vraćanje ovog člana u tekst Krivičnog zakona, sa odgovarajućim sankcijama.

Što se tiče **Zakona o finansiranju Institucija BiH**, OSABiH se obratila Komisiji sa zahtjevom da se budžet Agencije uključuje u budžet Institucija, odnosno objavljuje u ukupnom iznosu, bez navođenja rashoda po ekonomskim kodovima. Ovo je praksa u svim zemljama, uključujući i EU, te je Komisija podržala inicijativu da Vijeće ministara hitno izradi prijedlog izmjena i dostavi ga Komisiji, odnosno Parlamentu, na razmatranje. Izvršni obavještajni odbor (kojeg čine predsjedavajuća Vijeća ministara i njena dva zamjenika) već je razmatrao inicijativu i zadužio ministra finansija BiH da počne postupati po ovom predmetu.

Odjeljak C - Razmatranje izvještaja i drugih materijala koji proističu iz zakonom utvrđenih nadležnosti

Kad je riječ o aktima koji nemaju zakonodavni karakter, Komisija je u izvještajnom periodu razmatrala, usvojila, primila k znanju i po potrebi uputila u dalju proceduru slijedeće akte:

1. Plan rada Zajedničke komisije za nadzor nad radom OSABiH za 2023. godinu;

2. Godišnji izvještaj o izvršenom operativnom i tehničkom nadzoru u oblasti zaštite tajnih podataka u 2020. i 2021. godinu
3. Izvještaj Ministarstva sigurnosti BiH o izdatim sigurnosnim dozvolama i procesu sigurnosnih provjera za 2022. godinu
4. Izvještaj Ministarstva odbrane BiH o izdatim sigurnosnim dozvolama i procesu sigurnosnih provjera za 2020. i 2021. godinu
5. Godišnji izvještaji o izvršenoj reviziji u OSABiH za 2019., 2020. i 2021. godinu
6. Redovni polugodišnji Izvještaji Glavnog inspektora OSABiH o rješavanju žalbi podnesenih protiv Agencije (5 izvještaja – 2021., 2022., 2023.)
7. Redovni godišnji Izvještaji Glavnog inspektora OSABiH o aktivnostima Inspektorata (3 izvještaja – 2020., 2021., 2022.)
8. Periodični Izvještaji Glavnog inspektora OSABiH o posebno važnim pitanjima (5 izvještaja)
9. Izvještaji i informacije OSABiH o konkretnim pojedinačnim pitanjima na koja je Komisija tražila odgovor ili izjašnjenje (3 izvještaja)
10. Prijedlog budžeta i aneksa budžeta OSABiH za 2023. godinu
11. Davanje Mišljenja na prijedlog kandidata za generalnog direktora, zamjenika direktora i glavnog inspektora OSABiH koji je dostavila predsjedavajuća Vijeća ministara BiH
12. Informacije Direktora i Gl. Inspektora OSABiH o potencijalnim zloupotrebama koje su dovele do otvaranja istrage protiv direktora OSABiH i Predsjednika Suda BiH
13. Informacija Direktora i Gl. Inspektora OSABiH vezano za medijske istupe ministra Heleza o postojanju terorističkih kampova u BiH
14. Informacija Direktora i Gl. Inspektora OSABiH vezano za medijske istupe ministra Konakovića o nelegalnom prisluškivanju
15. Informacija Direktora i Gl. Inspektora OSABiH vezano za medijske navode o zloupotrebi službenih iskaznica OSABiH
16. Davanje Mišljenja na Izvještaj o radu Vijeća ministara za 2022. godinu

Planom rada Komisije bilo je predviđeno i razmatranje Godišnje platforme o obavještajno-sigurnosnoj politici BiH, koja je propisana u čl. 7. stav (1) alineja 5. Zakona o Obavještajno-sigurnosnoj agenciji BiH. Kao i ranijih godina, ponovo smo suočeni sa zanemarivanjem ove obaveze, kako od strane Vijeća ministara koje je dužno da je pripremi, tako i od strane Predsjedništva BiH koje je dužno da je odobri i dostavi Parlamentu.

Odjeljak D – Ostali materijali

Pored pobrojanih akata, Komisija je u izvještajnom periodu razmatrala i 6 predstavlki građana (žalbi ili prijava nezakonitog postupanja u Agenciji), te dopis jedne međunarodne nevladine organizacije.

3. POGLAVLJE II – OSTALE AKTIVNOSTI

Odjeljak A – Nadzorne aktivnosti

Članom 19. Zakona o Obavještajno-sigurnosnoj agenciji Bosne i Hercegovine je utvrđeno da Komisija vrši nadzor nad zakonitošću rada OSABiH. Ova zakonska obaveza ispoštovana je sa dvije posjete sjedištu OSA BiH.

Koordinacija i međusobna pomoć Ureda sekretara ZK OSA i Državnog sigurnosnog organa u cilju kvalitetnog obavljanja redovnih zadataka nastavljena je tokom cijelog izvještajnog perioda, a ogledala se u stručnoj pomoći DSO po pitanju poštivanja odredbi ZOZTP u PSBiH, te koordinaciji nadzornih aktivnosti DSO i Komisije.

Odjeljak B – Međunarodne aktivnosti

Predsjedavajući Cvitanović je skupa sa zamjenikom Novićem učestvovao u radu 6. Međunarodnog foruma o nadzoru nad obavještajnim službama koji se održavao u novembru, u Vašingtonu (SAD). Prethodnih 5 foruma održavani su u Evropi, a od ovog je počela saradnja i sa SAD-om.

Također je dogovorena i započeta saradnja sa Centrom za evropske sigurnosne studije iz Groningena (Holandija). Radi se o trogodišnjem projektu (2023-2026) pod pokroviteljstvom holandskog Ministarstva vanjskih poslova.

Komisija u izvještajnom periodu nije imala ni dolaznih ni odlaznih bilateralnih posjeta sa srodnim komisijama iz drugih zemalja.

7

Odjeljak C – Saradnja s domaćim institucijama i organima

Komisija kontinuirano saraduje sa Obavještajno-sigurnosnom agencijom, Državnim sigurnosnim organom, Ministarstvom sigurnosti BiH, Ministarstvom odbrane BiH, Uredom za reviziju Institucija BiH, te Vijećem ministara BiH, posebno sa njegovim predsjedavajućim koji je po Zakonu o OSABIH odgovoran za rad Agencije i ima jasno propisane i direktne odgovornosti spram Komisije. Sa drugim tijelima Komisija saraduje po potrebi.

Komisija je na domaćem planu u izvještajnom periodu ostvarila kontakt i saradnju sa Zajedničkom komisijom za odbranu i sigurnost, te sa entitetskim srodnim komisijama (Odbor za bezbjednost NSRS i Komisija za sigurnost PFBiH). Od nevladinih organizacija ostvarena je saradnja sa Centrom za sigurnosne studije iz Sarajeva i Evropskim defendološkim centrom iz Banjaluke.

Odjeljak D – Saradnja s međunarodnim organizacijama u BiH

U izvještajnom periodu nije bilo kontakata sa predstavnicima međunarodnih organizacija u BiH.

4. POGLAVLJE III – Rezime

Analizom pobrojanih aktivnosti može se zaključiti da je Komisija tokom 2023. godine, odnosno od svoga formiranja do kraja izvještajnog perioda, radila intenzivno i u skladu sa zakonskim i poslovnim odredbama koje uređuju njen rad. Zadaci koje smo utvrdili Planom rada za 2023. godinu najvećim dijelom su ispunjeni. Među neriješenim pitanjima izdvajamo:

1. **Potpuna primjena i poštivanje odredbi Zakona o zaštiti tajnih podataka BiH.**

- a. neadekvatna sistematizacija radnih mjesta unutar Ministarstva sigurnosti (u Državnom sigurnosnom organu/DSO) i Ministarstvu odbrane (u Sektoru za obavještajno-sigurnosne poslove). Sistematizacije moraju uvažavati odredbe ZOZTP i relevantne direktive NATO-a i Odluke Vijeća Evrope. U Ministarstvu odbrane kao problem je konstatovano i nedonošenje Pravilnika o radu Vojno-obavještajnog roda.
- b. neadekvatno formulisanje inspeksijskog nadzora koji provodi DSO
- c. nejasnoće, kontradikcije i nedorečenosti u jednom broju zakona i podzakonskih akata, prije svega kad je riječ o Zakonu o reviziji u institucijama BiH i članu 9. Zakona o odbrani BiH.
- d. neunificirane prakse u radu različitih državnih organa, kad je riječ o rukovanju tajnim podacima i razmjeni ili dostavljanju istih, i neadekvatno poštivanje zakonskih odredbi u smislu definisanja sigurnosnih područja, rezervnih lokacija, postupaka za uništavanje tajnih podataka i drugih sigurnosnih procedura.
- e. nedostaci u jedinstvenom pristupu i poštivanju odredbi o fizičkoj i informatičkoj zaštiti podataka i lokacija, prije svega u podregistrima, koji još uvijek čekaju na certifikaciju od strane DSO.
- f. cyber prijetnje
- g. sporo ili nepotpuno ispunjavanje obaveza koje za BiH proizilaze iz njenih NATO aspiracija.
- h. brisanje člana 225. iz Krivičnog zakona BiH.

Komisija će u narednom periodu putem nadzornih i radnih posjeta nastojati da u direktnom kontaktu sa rukovodiocima i ovlaštenim predstavnicima organa izvršne vlasti u BiH, iste animira na efikasniju primjenu Zakona o zaštiti tajnih podataka BiH. Isto vrijedi i za PSBiH (potrebno je osigurati adekvatno zaštićene prostorije za rad ove i drugih komisija koje održavaju povjerljive sjednice, i sl.)

Komisija je ustanovila da je stepen primjene ZOZTP u organima javne uprave u BiH, iako nepotpun, ipak zadovoljavajući. S tim u vezi Komisija će nastaviti pružanje podrške Državnom sigurnosnom organu i svim drugim tijelima kojima Komisija u okviru svojih nadležnosti može pomoći u ostvarivanju ovog cilja.

2. **Puni demokratski parlamentarni nadzor nad Obavještajno-sigurnosnom agencijom BiH.** U svrhu realizacije ovog cilja održavali smo stalan kontakt sa

rukovodstvom OSABiH, te se na druge načine obavještavali o potencijalnim ili aktuelnim problemima u njihovom radu i načinima na koje Komisija može utjecati na otklanjanje ustanovljenih problema. Podržali smo određene projekte kapitalnih ulaganja koje je predložila OSA. Preostali krupni problemi kojima ćemo u daljem periodu posvetiti detaljnu pažnju su:

- a. kašnjenje u dostavljanju zakonom propisanih materijala na razmatranje Komisiji, posebno kad je riječ o materijalima koje dostavljaju Predsjedništvo BiH i Vijeće ministara. Ova kašnjenja uzrokuju ozbiljne posljedice na rad OSABiH, koja je prinuđena u nedostatku Godišnje platforme o obavještajno-sigurnosnoj politici BiH raditi na osnovu prošlogodišnjih ili čak starijih Platformi, što njen rad čini u najboljem slučaju, polulegalnim.
- b. kontradikcije u odredbama Zakona o reviziji u institucijama BiH i Zakona o OSABiH. Zbog međusobno oprečnih odredbi, OSABiH iz godine u godinu ne može dobiti pozitivno mišljenje revizije, iako nam je od strane samog Ureda za reviziju potvrđeno da u dijelu dokumentacije u koji revizori ostvare uvid ne postoje ni najmanji problemi, odnosno da OSABiH zapravo prednjači u kvaliteti i sadržaju podnesenog materijala, u odnosu na sve druge institucije u BiH.

Komisija je u cilju otklanjanja gornjih nedostataka poduzela jedan broj aktivnosti, uključujući analizu načina na koji su ova pitanja riješena u drugim zemljama, i održavanje jednog broja radno-konsultativnih sastanaka sa tijelima uključenim u određene procese od interesa za Komisiju. Nastavak aktivnosti podrazumijevat će pristupanje izmjenama zakona za koje je Komisija utvrdila da unose zabunu u procesu međuagencijske saradnje. Osnovni pregled statističkih pokazatelja o radu Komisije tokom 2023. godine je kako slijedi:

| redni broj sjednice | datum održavanja | broj tačaka dn. reda | trajanje sjednice | prisustvo sjednici | |
|------------------------------|------------------|--|------------------------------------|--|---|
| | | | | broj prisutnih | postotak prisutnih |
| 1 | 27.3.2023. | 1 | 1:15 (75 min) | 12 | 100% |
| 2 | 11.5.2023. | 29 | 2:20 (140 min) | 10 | 83.33% |
| 3 | 20.7.2023. | 10 | 1:46 (106 min) | 9 | 75% |
| 4 | 26.7.2023. | 1 | 1:25 (85 min) | 7 | 58.33% |
| 5 | 12.10.2023. | 4 | 1:40 (100 min) | 8 | 66.7% |
| ukupan broj sjednica: | | ukupan broj razmatranih tačaka: | prosjeak trajanja sjednice: | prosjeak prisutnih po sjednici: | prosjeak prisustva procentualno: |
| 5 | | 45 | 101.2 min (1:41) | 9.2 | 76.67% |

Komisija će i u narednom periodu nastojati da aktivno doprinese punoj sprovedbi Zakona o zaštiti tajnih podataka BiH i ostvarivanju pune domaćinske kontrole nad radom Obavještajno-sigurnosne agencije BiH, te blagovremeno vršiti i druge zadatke iz svoje nadležnosti.

